



საქართველოს
განათლებისა და
მეცნიერების
სამინისტრო



მასწავლებელთა
პროფესიული
განვითარების
ეროვნული
ცენტრი

სსიპ – მასწავლებელთა პროფესიული განვითარების ეროვნული ცენტრი

ათასწლეულის გამოწვევის ფონდი - საქართველოს მხარდაჭერით ინიცირებული
მასწავლებელთა და სკოლის დირექტორთა პროფესიული განვითარების პროგრამის
ფარგლებში

გამარტივებული ელექტრონული ტენდერის საშუალებით მსუბუქი მაღალი გამავლობის
ორხიდიანი სატრანსპორტო საშუალებების დაქირავების (მძღოლთან ერთად)
მომსახურების სახელმწიფო შესყიდვა

*(CPV:60170000 - სამგზავრო სატრანსპორტო საშუალებების დაქირავება მძღოლთან
ერთად)*

(წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს
კანონისა და „გამარტივებული ელექტრონული ტენდერისა და ელექტრონული ტენდერის ჩატარების წესის
დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9
ბრძანებით დამტკიცებული წესის საფუძველზე

ქ. თბილისი 2016 წელი

სარჩევი

1. ტექნიკური დოკუმენტაცია -----	3
2. სახელმწიფო შესყიდვების შესახებ ხელშეკრულების პროექტი -----	6
3. დამატებითი ინფორმაცია -----	12
4. დანართი №1 -----	13
5. დანართი №2 -----	14
6. დანართი №3 -----	15
7. დანართი №4 -----	16

ტექნიკური დოკუმენტაცია

1. შესყიდვის ობიექტი: მსუბუქი მაღალი გამავლობის ორხიდიანი სატრანსპორტო საშუალებების დაქირავება მძღოლთან ერთად (არ განიხილება მარჯვენა საჭიანი ასევე ორ კარიანი სატრანსპორტო საშუალება და მინივენნი).

2. დაფინანსების წყარო: სსიპ – მასწავლებელთა პროფესიული განვითარების ეროვნული ცენტრის საკუთარი შემოსავლების ფარგლებში, „ათასწლეულის გამოწვევის ფონდი - საქართველოს მხარდაჭერით ინიცირებული მასწავლებელთა და სკოლის დირექტორთა პროფესიული განვითარების პროგრამა“ (პროგრამული კოდი: 32 02 02 03).

3. მომსახურების გაწევის ადგილი: საქართველოს ტერიტორიის მასშტაბით (ოკუპირებული ტერიტორიების გარდა), შემსყიდველის მოთხოვნის შესაბამისად;

4. მომსახურების გაწევის სავარაუდო ვადები: ეტაპობრივად, ხელშეკრულების გაფორმებიდან 2016 წლის 31 დეკემბრის ჩათვლით, შემსყიდველის მოთხოვნის შესაბამისად.

5. აუცილებელი პირობები:

5.1 საწვავის ტიპი: ბენზინი ან/და დიზელი;

5.2 ძრავის მოცულობა: არანაკლებ 2000-5000 სმ³;

5.3 გამოშვების წელი: არანაკლებ 2003 წელი;

5.4 ავტოსატრანსპორტო საშუალება: არანაკლებ 3 (სამი) ერთეული;

5.5 ავტოსატრანსპორტო საშუალება უნდა იყოს გამართული, უსაფრთხო, კომფორტული, გათბობა-კონდიცირების გამართული სისტემით აღჭურვილი. ტრანსპორტირების დროს დაცული უნდა იყოს უსაფრთხოებისა და სანიტარული ნორმები (ავტოსატრანსპორტო საშუალება უნდა იყოს ტექნიკურად გამართული და სუფთა (გარეცხილი როგორც შიგნიდან ასევე გარედან) მდგომარეობაში).

5.6 შემსყიდველის მოთხოვნის შესაბამისად მომსახურების გაწევა შეიძლება განხორციელდეს ერთდროულად რამდენიმე ადგილას;

5.7 გასაწევი მომსახურების ლოკაციისა და დროის შესახებ მიმწოდებელს შემსყიდველის მიერ ეცნობება წინასწარ, კერძოდ, თბილისის ფარგლებს გარეთ გასაწევ მომსახურებაზე - მომსახურების გაწევამდე 1 (ერთი) დღით ადრე, ხოლო თბილისის ფარგლებში - მომსახურების გაწევის დღეს, 1 (ერთი) საათით ადრე;

5.8 შემსყიდველის მოთხოვნის შესაბამისად, მომსახურების გაწევა შესაძლებელია განხორციელდეს დღე-ღამის ნებისმიერ მონაკვეთში 24 (ოცდაოთხი) საათიან რეჟიმში;

5.9 პრეტენდენტი ვალდებულია სატენდერო წინადადების ფასში გაითვალისწინოს ყველა ხარჯი, რომელიც შეიძლება დაკავშირებული იყოს მომსახურების გაწევასთან (მძღოლის დაბინავების, კვების ხარჯები, ავტომანქანის შეკეთება, ჯარიმა და სხვა მსგავსი ხარჯები დამატებით არ ანაზღაურდება შემსყიდველის მიერ);

5.10 ქალაქ თბილისის ფარგლებს გარეთ გასაწევ მომსახურებაზე კილომეტრების ათვლა დაიწყება ქალაქ თბილისში შემსყიდველის მიერ მითითებული ტერიტორიიდან დანიშნულების ადგილამდე და დანიშნულების ადგილიდან ქალაქ თბილისში შემსყიდველის მიერ მითითებულ ტერიტორიამდე;

5.11 ქალაქ თბილისის ფარგლებში გასაწევ მომსახურებაზე კილომეტრების ათვლა დაიწყება ქალაქ თბილისში შემსყიდველის მიერ მითითებული ტერიტორიიდან დანიშნულების ადგილამდე და დანიშნულების ადგილიდან ქალაქ თბილისში შემსყიდველის მიერ მითითებულ ტერიტორიამდე;

5.12 კილომეტრაჟის აღრიცხვა განხორციელდება შემსყიდველის მიერ შედგენილი შესაბამისი აღრიცხვის დოკუმენტით, რომელსაც ხელი მოეწერება მხარეთა წარმომადგენლების მიერ;

5.13 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის ჩათვლით, დღგ-ს გარდა;

5.14. წარმოდგენილი ღირებულება უნდა მოიცავდეს მიწოდებასთან დაკავშირებულ ყველა ხარჯს. ხარჯები, რომლებიც სატენდერო წინადადების ფასში არ იქნება გათვალისწინებული არ დაექვემდებარება ანაზღაურებას;

5.15. შერჩევა-შეფასების ეტაპზე შემსყიდველი ახორციელებს პრეტენდენტის მონაცემების შემოწმებას მსოფლიო ბანკისა და ამერიკის შეერთებული შტატების კანონმდებლობით განსაზღვრული შესაბამისი მონაცემთა ბაზების მიხედვით. აღნიშნულ ბაზებში პრეტენდენტის შესახებ ნეგატიური ჩანაწერის არსებობა წარმოადგენს შემსყიდველის მიერ მისი დისკვალიფიკაციის საფუძველს;

5.16. პრეტენდენტის მიერ წარმოდგენილი ყველა დოკუმენტი დამოწმებული უნდა იყოს ხელმძღვანელი (ან უფლებამოსილი) პირის ხელმოწერით.

6. მატერიალურ-ტექნიკური ბაზა და პერსონალი:

6.1 პრეტენდენტს საკუთრებაში ან/და დროებით სარგებლობაში უნდა გააჩნდეს არანაკლებ 3 (სამი) ავტოსატრანსპორტო საშუალება, აღნიშნული ინფორმაციის დასადასტურებლად პრეტენდენტმა ერთიან ელექტრონულ სისტემაში უნდა წარმოადგინოს ავტოსატრანსპორტო საშუალებების საკუთრების ან/და დროებით სარგებლობის უფლების დამადასტურებელი დოკუმენტი. სარგებლობის უფლებით ფლობის შემთხვევაში – ერთიან ელექტრონულ სისტემაში ატვირთულ უნდა იქნას დროებით სარგებლობის უფლების დამადასტურებელი დოკუმენტის ასლი, რომლის მოქმედების ვადა არანაკლებ 1 (ერთი) თვით უნდა აღემატებოდეს მიმდინარე ტენდერით გათვალისწინებული მომსახურების გაწევის ვადას;

6.2 პრეტენდენტს უნდა ჰყავდეს ავტო-სატრანსპორტო საშუალების მაღალკვალიფიციური და გამოცდილი არანაკლებ 3 (სამი) მძღოლი, აღნიშნული ინფორმაციის დასადასტურებლად პრეტენდენტმა უნდა წარმოადგინოს ინფორმაცია შემოთავაზებული მძღოლების შესახებ, მათი პირადობის დამადასტურებელი დოკუმენტების ასლები და მძღოლების არანაკლებ 10 (ათი) წლიანი გამოცდილების დამადასტურებელი დოკუმენტი (მართვის მოწმობა, მინიმუმ B კატეგორია).

შენიშვნა:

„გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის მე-11 მუხლის მე-2¹ პუნქტის შესაბამისად, თუ ტენდერში ყველაზე დაბალი ფასის წინადადების მქონე პრეტენდენტის მიერ სახელმწიფო შესყიდვების ერთიან ელექტრონულ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა დასტურდება აუდიტის დასკვნით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. პრეტენდენტი ვალდებულია სახელმწიფო შესყიდვების ერთიან ელექტრონულ სისტემის მეშვეობით წარმოადგინოს ფასწარმოქმნის ადეკვატურობის დამადასტურებელი დოკუმენტი შემსყიდველის წერილობითი მოთხოვნიდან 3 (სამი) სამუშაო დღის ვადაში.

7. ანგარიშსწორების პირობები:

7.1 ანგარიშსწორება განხორციელდება უნაღდო ანგარიშსწორების ფორმით, ეროვნულ ვალუტაში, ეტაპობრივად გაფორმებული მიღება-ჩაბარების აქტის საფუძველზე;

7.2 ანგარიშსწორება განხორციელდება, მიღება-ჩაბარების აქტის გაფორმებიდან 10 (ათი) სამუშაო დღის განმავლობაში;

7.3 საავანსო ანგარიშსწორება არ გამოიყენება.

8. ალტერნატიული სატენდერო წინადადება არ განიხილება.

9. პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაციები:

9.1 კომპანიის რეკვიზიტები (დანართი №1);

9.2 ფასების ცხრილი სატენდერო დოკუმენტაციაში მოცემული ფასების ცხრილის მიხედვით (დანართი №2);

9.3 ინფორმაცია პრეტენდენტის პერსონალის - არანაკლებ 3 (სამი) მძღოლის შესახებ (დანართი №3-ის მიხედვით, დანართთან ერთად წარმოდგენილ უნდა იქნას მძღოლების პირადობის დამადასტურებელი დოკუმენტების ასლები და მათი არანაკლებ 10 (ათი) წლიანი გამოცდილების დამადასტურებელი დოკუმენტი (მართვის მოწმობა, მინიმუმ B კატეგორია));

9.4 ინფორმაცია პრეტენდენტის მიერ შემოთავაზებული ავტოსატრანსპორტო საშუალებების შესახებ (დანართი №4-ის მიხედვით, დანართთან ერთად წარმოდგენილ უნდა იქნას ავტოსატრანსპორტო საშუალებების საკუთრების ან/და დროებით სარგებლობის უფლების დამადასტურებელი დოკუმენტი. სარგებლობის უფლებით ფლობის შემთხვევაში – ერთიან ელექტრონულ სისტემაში ატვირთულ უნდა იქნას დროებით სარგებლობის უფლების დამადასტურებელი დოკუმენტის ასლი, რომლის მოქმედების ვადა არანაკლებ 1 (ერთი) თვით უნდა აღემატებოდეს მიმდინარე ტენდერით გათვალისწინებული მომსახურების გაწევის ვადას);

9.5 შემოთავაზებული ავტოსატრანსპორტო საშუალებების ტექ-დათვალიერების (გზისთვის ვარგისიანობის ტესტი) დამადასტურებელი დოკუმენტი. აღნიშნული დოკუმენტი გაცემული უნდა იყოს მიმდინარე ტენდერისთვის „წინადადების მიღება დასრულებულია“ სტატუსის მინიჭებამდე არაუადრეს 1 (ერთი) თვისა;

9.6 ცნობა შემოთავაზებული მძღოლების ნასამართლეობის არარსებობის შესახებ.

ხელშეკრულება
სახელმწიფო შესყიდვების შესახებ № --- (პროექტი)

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში
გამარჯვებულ პრეტენდენტთან ხელშეკრულების გაფორმების პროცესში

ქ. თბილისი

----- 2016 წელი

შემსყიდველი: სსიპ – მასწავლებელთა პროფესიული განვითარების ეროვნული ცენტრი
წარმოდგენილი ცენტრის დირექტორის **გიორგი მაჩაბლის** სახით;
მისამართი: ქ. თბილისი, გმირ კურსანტთა ქ. №1;
საიდენტიფიკაციო კოდი: 202374251;
საბანკო რეკვიზიტები: სახელმწიფო ხაზინა, კოდი: TRESGE22, ა/ა: GE24 NB03 3010 0200 1650 22.

მიმწოდებელი: -----, მისი ----- სახით ;
მისამართი: -----;
საიდენტიფიკაციო კოდი: -----;
საბანკო რეკვიზიტები: -----, ბანკის კოდი: , ა/ა:

მუხლი 1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით;
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულებისათვის;
- 1.3. „დღე“, „კვირა“, „თვე“ – კალენდარული დღე, კვირა, თვე;
- 1.4. „შემსყიდველი“ – ორგანიზაცია, რომელიც ახორციელებს სახელმწიფო შესყიდვას;
- 1.5. „მიმწოდებელი“ – პირი, რომელიც ახორციელებს ხელშეკრულებით გათვალისწინებული მომსახურების მიწოდებას;
- 1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ – სატენდერო დოკუმენტაციის ტექნიკური დავალება, რომელიც ერთვის ხელშეკრულებას, როგორც მისი განუყოფელი ნაწილი;
- 1.8. ვალდებულების არაჯეროვანი შესრულება – ვალდებულების ხელშეკრულების პირობებთან შეუსაბამოდ, არასრულად, უხარისხოდ შესრულება.
- 1.9. ხელშეკრულებით ნაკისრი ვალდებულების შესრულების ვადების გადაცდენა – მხარის მიერ ნაკისრი ვალდებულების ხელშეკრულებით განსაზღვრულ ვადაში შეუსრულებლობა.

მუხლი 2. ხელშეკრულების საგანი

შემსყიდველის მიერ ჩატარებულ ელექტრონულ ტენდერში (სატენდერო განცხადების N SPA---) გაიმარჯვა მიმწოდებლის სატენდერო წინადადებამ, რომლის თანახმად, მიმწოდებელმა აიღო ვალდებულება მიაწოდოს შემსყიდველს ----- (CPV---)

შესყიდვის ობიექტის მოკლე აღწერა

მუხლი 3. ხელშეკრულების ღირებულება

3.1 შესასყიდი ობიექტის ფასი განისაზღვრება ეროვნულ ვალუტაში;

3.2 შესასყიდი მომსახურების ღირებულება (შემდგომში „ხელშეკრულების ღირებულება“) შეადგენს

(ხელშეკრულების თანხა ციფრებით, სიტყვიერად)

3.3 დაფინანსების წყარო: სსიპ – მასწავლებელთა პროფესიული განვითარების ეროვნული ცენტრის -----
----- ფარგლებში.

მუხლი 4. შესასყიდი ობიექტის ხარისხი

4.1. მიმწოდებელი პასუხისმგებლობას კისრულობს, რომ გასაწევი მომსახურება შეესაბამება წინამდებარე ხელშეკრულების პირობებს;

4.2 მიმწოდებელი აცხადებს, რომ შესასყიდი მომსახურება არის უნაკლო და იღებს პასუხისმგებლობას მისი წარმოშობის კანონიერებაზე.

მუხლი 5. შესასყიდი ობიექტის მიწოდების ფორმა, ვადები და ადგილი

5.1 შესასყიდი ობიექტის მიწოდება ხორციელდება -----, ხელშეკრულების გაფორმებიდან 2016 წლის ----- ჩათვლით;

5.2 მიწოდების ადგილი – ქ. თბილისი, გმირ კურსანტთა ქუჩა №1.

მუხლი 6. შესასყიდი ობიექტის მიღება-ჩაბარების წესი

6.1. შესასყიდი ობიექტის მიღება ფორმდება შემსყიდველისა და მიმწოდებლის უფლებამოსილი წარმომადგენლების მიერ ხელმოწერილი მიღება-ჩაბარების აქტის საფუძველზე, რაც ასევე ადასტურებს მიმწოდებლის მიერ ნაკისრი ვალდებულებების კეთილსინდისიერად შესრულებას;

6.2. შესყიდვის ობიექტის მიღება-ჩაბარება განხორციელდება ერთიანად/ეტაპობრივად, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით;

6.3 შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი;

6.4. მიღება-ჩაბარების აქტის გაფორმებასთან ერთად, მიმწოდებელი ვალდებულია წარუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია;

6.5 მიღება-ჩაბარებაზე უფლებამოსილი პირები არიან სსიპ - მასწავლებელთა პროფესიული განვითარების ეროვნული ცენტრის უფლებამოსილი პირი (პირები). მიღება-ჩაბარების აქტის გაფორმების საფუძველია ინსპექტირების განმახორციელებელი პირის დასკვნა.

მუხლი 7. ანგარიშსწორება

7.1 ანგარიშსწორება განხორციელდება მიღება-ჩაბარების (შესრულების) აქტის გაფორმების დღიდან არა უგვიანეს 10 (ათი) სამუშაო დღისა;

7.2 ანაზღაურება მიმწოდებელთან განხორციელდება უნაღდო ანგარიშსწორების ფორმით, ეროვნულ ვალუტაში;

7.3 საავანსო ანგარიშსწორება არ გამოიყენება.

მუხლი 8. მხარეთა უფლება-მოვალეობანი

8.1 „შემსყიდველი“ ვალდებულია:

8.1.1 ხელშეკრულებით გათვალისწინებული მომსახურების მიწოდებისას საქმის კურსში ჩააყენოს „მიმწოდებელი“ ყველა განსაკუთრებული გარემოების შესახებ;

8.1.2 ხელშეკრულებით გათვალისწინებული პირობების შესაბამისად, აუნაზღაუროს „მიმწოდებელს“ მომსახურების ღირებულება.

8.2 „შემსყიდველს“ უფლება აქვს:

8.2.1 შეამოწმოს მიწოდებული მომსახურების ხარისხის შესაბამისობა ხელშეკრულებით გათვალისწინებულ პირობებთან. განახორციელოს კონტროლი და ზედამხედველობა „მიწოდებლის“ მიერ ხელშეკრულების პირობების დაცვაზე;

8.2.2 მოითხოვოს იმ ზიანის ანაზღაურება, რაც გამოწვეულია მიწოდებლის მიერ ამ ხელშეკრულებით ნაკისრი ვალდებულებების შეუსრულებლობით ან არაჯეროვანი შესრულებით;

8.2.3 მოსთხოვოს მიწოდებელს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;

8.2.4 მოსთხოვოს მიწოდებელს ნაკლოვანი ან უხარისხო მომსახურების გამოსწორება.

8.3 „მიწოდებელი“ ვალდებულია:

8.3.1 დაიცვას ხელშეკრულებით გათვალისწინებული ყველა პირობა;

8.3.2 გაუწიოს შემსყიდველს ამ ხელშეკრულების მე-2 მუხლში აღნიშნული მომსახურება შესაბამისი დოკუმენტებით საკუთრებაში;

8.3.3 ხელშეკრულებით გათვალისწინებული მომსახურების მიწოდებისას აცნობოს შემსყიდველს ყველა განსაკუთრებული გარემოების შესახებ;

8.3.4 აუნაზღაუროს შემსყიდველს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით;

8.3.5 საკუთარი ხარჯებით უზრუნველყოს შემსყიდველის მიერ გამოვლენილი ნაკლის/წუნის აღმოფხვრა;

8.3.6 წარუდგინოს შემსყიდველს მიწოდებულ მომსახურებასთან დაკავშირებული სრული დოკუმენტაცია.

8.4 „მიწოდებელს“ უფლება აქვს:

8.4.1 მოსთხოვოს „შემსყიდველს“ მიწოდებული მომსახურების ღირებულების ანაზღაურება ხელშეკრულებით გათვალისწინებული პირობებით;

8.4.2 მოსთხოვოს შემსყიდველს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება.

მუხლი 9. ხელშეკრულების პირობების შეუსრულებლობა

9.1. ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისათვის მხარეს ეკისრება პირგასამტეხლო შეუსრულებელი ვალდებულების ღირებულების 0.02 % -ის ოდენობით;

9.2. მიწოდებლის მიერ ხელშეკრულების არაჯეროვანი შესრულების შემთხვევაში მხარეს ეკისრება პირგასამტეხლო ხელშეკრულების ღირებულების 10 (ათი) % -ის ოდენობით;

9.3. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური მოცულობა გადააჭარბებს ხელშეკრულების საერთო ღირებულების 5%-ს, შემსყიდველს უფლება აქვს ცალმხრივად შეწყვიტოს ხელშეკრულება;

9.4. საჯარიმო სანქციის გადახდა არ ათავისუფლებს მიწოდებელს ძირითადი ვალდებულებების შესრულებისაგან.

მუხლი 10. ხელშეკრულების ინსპექტირების პირობები

10.1 შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელოს კონტროლი მიწოდებლის მიერ ნაკისრი ვალდებულებების შესრულებაზე და განახორციელოს მომსახურების ხარისხის პერიოდული ინსპექტირება;

10.2 მიწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს შემსყიდველი;

10.3 მიწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის აღმოფხვრა.

10.4 ხელშეკრულებით განსაზღვრული პირობების კონტროლს განახორციელებს სსიპ - მასწავლებელთა პროფესიული განვითარების ეროვნული ცენტრის -----, რომელიც წერს დასკვნას ხელშეკრულების პირობებთან შესყიდვის საგნის შესაბამისობის შესახებ.

მუხლი 11. ხელშეკრულების შეწყვეტა

11.1 ხელშეკრულების დამდეგი ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;

11.2 ხელშეკრულების დამდეგი მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება და მისი მიღების საფუძველი;

11.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;

11.4 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

11.4.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.4.2 მიმწოდებლის გაკოტრების შემთხვევაში;

11.4.3 საქართველოს კანონმდებლობით გათვალისწინებულ სხვა შემთხვევებში;

11.5 ამ მუხლის 11.4 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული მომსახურების ღირებულება.

მუხლი 12. ქვეკონტრაქტორები

12.1 ხელშეკრულების გაფორმების შემდგომ მიმწოდებელმა წერილობით უნდა აცნობოს შემსყიდველს ქვეკონტრაქტორის (ქვეკონტრაქტორების) აყვანის ან შეცვლის შესახებ (ქვეკონტრაქტორის აყვანის აუცილებლობის მიზეზების დასაბუთებით). ქვეკონტრაქტორ(ებ)ის დასაშვებობის საკითხს წყვეტს შემსყიდველი და მიმწოდებელი ერთობლივი მოლაპარაკების საფუძველზე, რომელიც გაფორმდება წერილობითი ფორმით წინადადებაზე ხელშეკრულების დამატების სახით;

12.2 ამ ხელშეკრულების ფარგლებში დადებული ყველა ქვეკონტრაქტის ასლი უნდა წარედგინოს შემსყიდველს;

12.3 ამ ხელშეკრულების ფარგლებში დადებული არც ერთი ქვეკონტრაქტი არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

მუხლი 13. ხელშეკრულების პირობების გადასინჯვა

13.1. მხარეები უფლებამოსილი არიან მოახდინონ ხელშეკრულების პირობების გადასინჯვა და ცვლილება შეიტანონ მოქმედ ხელშეკრულებაში;

13.2 ხელშეკრულებაში ცვლილების შეტანის ინიციატორმა მხარემ წერილობითი სახით უნდა აცნობოს მეორე მხარეს შესაბამისი დასაბუთებული ინფორმაცია სავარაუდო ცვლილების თარიღამდე არაუგვიანეს 5 (ხუთი) სამუშაო დღისა;

13.3 დაუშვებელია ხელშეკრულებაში იმგვარი ცვლილების შეტანა, რომლითაც უარესდება ხელშეკრულების პირობები შემსყიდველი ორგანიზაციისათვის ან იზრდება ხელშეკრულების ღირებულება, გარდა საქართველოს სამოქალაქო კოდექსის 398-ე მუხლით, „სახელმწიფო შესყიდვების შესახებ“ საქართველოს კანონის და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით გათვალისწინებული შემთხვევებისა;

13.4 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც ჩაითვლება ხელშეკრულების განუყოფელ ნაწილად.

მუხლი 14. ფორსმაჟორი.

14.1 მხარეები არ აგებენ პასუხს ხელშეკრულებით გათვალისწინებული ვალდებულების მთლიანად ან ნაწილობრივ შეუსრულებლობისათვის, თუ ეს გამოწვეულია ფორსმაჟორული გარემოების დადგომის გამო და თუ ეს დაიწყო ან განვითარდა ხელშეკრულების დადების შემდეგ;

14.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, ემბარგოს დაწესებით, საბიუჯეტო ასიგნებების მკვეთრი შემცირებით და სხვა;

14.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

მუხლი 15. ხელშეკრულების მოქმედების ვადა

ხელშეკრულების მოქმედების ვადა განისაზღვრება ხელშეკრულების ხელისმოწერის დღიდან და ძალაშია -----წლის ----- ჩათვლით;

მუხლი 16 დავები და მათი გადაწყვეტის წესი

16.1 წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას მხარეთა ერთობლივი მოლაპარაკების საფუძველზე;

16.2 თუ „შემსყიდველი“ და „მიმწოდებელი“ მოლაპარაკების დაწყებიდან 10 (ათი) დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით.

მუხლი 17. სხვა პირობები

17.1 ამ ხელშეკრულებით გაუთვალისწინებელი პირობები რეგულირდება საქართველოს მოქმედი კანონმდებლობით;

17.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;

17.3 მესამე პირთან (პირებთან) ურთიერთობაში მხარეები მოქმედებენ თავიანთი სახელით, ხარჯებითა და რისკით;

17.4 წინამდებარე ხელშეკრულების რომელიმე პუნქტის ბათილად ცნობა არ იწვევს მთელი ხელშეკრულების ან მისი სხვა პუნქტების ბათილობას;

17.5 წინამდებარე ხელშეკრულება არ შეიცავს რაიმე სიტყვიერ დამატებას;

17.6 ხელშეკრულების დანართი წარმოადგენს ამ ხელშეკრულების განუყოფელ ნაწილს და მოქმედებს მხოლოდ მასთან ერთად;

17.7 მხარეებს შორის ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;

17.8 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილია მხარეთა მიერ;

17.9 ხელშეკრულება შედგენილია 3 (სამი) თანაბარი იურიდიული ძალის მქონე ეგზემპლარად, ქართულ ენაზე. 2 (ორი) ეგზემპლარი ინახება შემსყიდველთან, ხოლო 1 (ერთი) ეგზემპლარი გადაეცემა მიმწოდებელს;

17.10 გამარჯვებული პრეტენდენტის სატენდერო წინადადება და დანართი თან ერთვის წინამდებარე ხელშეკრულებას და წარმოადგენს მის შემადგენელ ნაწილს;

17.11 ყოველივე ზემოაღნიშნულის დასადასტურებლად, სათანადო უფლებამოსილებით აღჭურვილმა ქვემოთ აღნიშნულმა პირებმა ხელი მოაწერეს წინამდებარე ხელშეკრულებას.

მუხლი 18. მხარეთა ხელმოწერები

შემსყიდველი:

მიმწოდებელი:

დამატებითი ინფორმაცია

სატენდერო დოკუმენტაციასთან დაკავშირებული დამატებითი ინფორმაციის და განმარტებების მიღება პრეტენდენტებს შეუძლიათ სახელმწიფო შესყიდვების ერთიანი ელექტრონული სისტემის ტენდერის შესაბამის ვებში კითხვა-პასუხის მეშვეობით, ასევე შემდეგი საკონტაქტო პირისგან – ივანე კვიტაიშვილი, ტელ: 2 200 220 (4857), ელ. ფოსტა kvitaishvili@tpdc.ge ქ. თბილისი, გმირ კურსანტთა ქ. №1, III სართული.

კომპანიის რეკვიზიტები

პრეტენდენტის იურიდიული ფორმა და დასახელება:	
ხელმძღვანელის სახელი და გვარი:	
იურიდიული მისამართი:	
საიდენტიფიკაციო კოდი:	
ტელეფონის ნომერი:	
ელექტრონული მისამართი:	
მომსახურე ბანკის დასახელება:	
ბანკის კოდი:	
ანგარიშის ნომერი:	

პრეტენდენტის ხელმოწერა და ბეჭედი:_____

გასაწევი მომსახურების ხარჯთაღრიცხვა

პრეტენდენტის დასახელება _____

№	დასახელება	კილომეტრების რაოდენობა	ერთი ერთეული კილომეტრის ფასი (ლარი)	საერთო ღირებულება (ლარი)
1	მსუბუქი მაღალი გამავლობის, ორხიდიანი ავტოსატრანსპორტო საშუალების დაქირავება მძღოლთან ერთად, საქართველოს მასშტაბით	25 000		

შენიშვნა: მომსახურების ერთეულის ფასსა და საერთო ფასს შორის სხვაობის შემთხვევაში უპირატესობა ენიჭება ერთეულის ფასს.

ინფორმაცია მძღოლების კვალიფიკაციის შესახებ

პრეტენდენტის დასახელება _____

№	პერსონალის (მძღოლის) გვარი, სახელი	მართვის მოწმობის ნომერი	მართვის მოწმობის კატეგორია
1			
2			
3			

შენიშვნა: დანართთან ერთად წარმოდგენილ უნდა იქნას მძღოლების პირადობის დამადასტურებელი დოკუმენტების ასლები და მათი არანაკლებ 10 (ათი) წლიანი გამოცდილების დამადასტურებელი დოკუმენტი (მართვის მოწმობა, მინიმუმ B კატეგორია)

ინფორმაცია პრეტენდენტის მიერ შემოთავაზებული ავტოსატრანსპორტო საშუალებების საკუთრების ან/და დროებით სარგებლობის უფლების შესახებ

პრეტენდენტის დასახელება _____

№	ავტოსატრანსპორტო საშუალების მარკა/მოდელი	სახელმწიფო ნომერი	საკუთრება ან/და დროებით სარგებლობა
1			
2			
3			

შენიშვნა: დანართთან ერთად წარმოდგენილ უნდა იქნას ავტოსატრანსპორტო საშუალებების საკუთრების ან/და დროებით სარგებლობის უფლების დამადასტურებელი დოკუმენტი. სარგებლობის უფლებით ფლობის შემთხვევაში – წარმოდგენილ უნდა იქნას დროებით სარგებლობის უფლების დამადასტურებელი დოკუმენტის ასლი, რომლის მოქმედების ვადა არანაკლებ 1 (ერთი) თვით უნდა აღემატებოდეს მიმდინარე ტენდერით გათვალისწინებული მომსახურების გაწევის ვადას.